



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六二一

運甓齋詩稟八卷 陳 勸 撰

一

運甓齋文稟六卷運甓齋文稟續編六卷運甓齋詩稟續編六卷

附運甓齋贈言錄四卷 陳 勸 撰

四七

葆真齋集六卷 賈洪詔 撰

一八五

知悔齋詩稿八卷知悔齋詩續稿二卷 張士寬 撰

三七一

耕香書屋詩草一卷 鶴 林 撰

四二七

適龕詩集十四卷 彭 湘 撰

四三九

柳汁吟舫詩草十四卷（原缺卷七卷八）柳汁吟舫賦草一卷

柳汁吟舫外集一卷 何盛斯 撰

五九三

硯隱詩存四卷 楊 羲 撰

七二一

運甓齋詩稿

光緒十年甲申孟春月鐫

運甓齋詩藁卷一

鄞 陳 勸

袁正獻公從祀 文廟恭紀

四明學派導源有宋維五先生肇開厥統四儒繼起並遊陸門其尤粹者和叔氏袁注視槃水幼而靜專家庭指授師友心傳見消門戶豁然無礙德性問學體用兼備正色立朝嘉謨忠告詩講經筵書鈔家塾著述樸茂具見原本

昭代右文遺編罔隱昔在

高宗

運甓齋詩藁卷一

天語表彰曠世默契簡策用光

聖

聖相承我

皇纘

緒俯允臣言升祔饗序鄉里後學與執豆籩詩以紀美垂千萬年

擬顏延年五君詠

阮步兵

嗣宗求步兵託言廚酒美放浪外形骸韜晦混塵滓每懷悲憤思別具遙深旨分明青白眼誰云無臧否



嵇中散

叔夜精養生名理著論說辭官絕巨源采藥隨王烈性
剛俗易忤尸解神不滅誰謂廣陵散迢響千古絕

劉參軍

伯倫頌酒德婦人言勿聽荷鍤任放曠銜杯樂性靈長
舌防厲階濡首豈頑冥乃知衆皆醉賴有君獨醒

阮始平

仲容居道南家風守寒素晒衣挂嶺鼻審音符尺度雖
邀山公薦頗遭荀勗妒浮榮安足論達識良可慕

向常侍

子期注莊子妙旨多發明漆園得知己郭象愧盜名嵇
琴悲寂響鄰笛聞悽聲一篇思舊賦千載交遊情

擬劉駕唐樂府十章

用原韻

送征夫

驅車出東門離家心不樂閨中念良人寄與征衣著那
知成功早征衣束高閣

輸者謳

力輓輜重車遠赴千里地行軍須足食輸將豈易事出
師自上京餼糧先啟行輸者不知苦但聞頌聖明聖明
恤戰士其家都免征

弔西人

西人既歸誠父老識聖主勿云荒服地瘠土非沃土鞠
謀自今始荆榛化稂莠

邊軍過

壺漿迎王師閭閻安枕卧師行衽席上旋聞虜已破軍
中饜梁肉豈僅三日穀誰云從軍苦不啻歌鼓腹兵不
曾血刃振旅奏凱回但聞歌柳往何待詠雪來

望歸馬

周書紀歸馬歸馬華山下我唐西土平海宇遂偃兵

祝河水

榮光聞出河遠映扶桑枝唐德感河伯恩威及西夷河
湟入中國恍遇河清時

田西邊

疇云西土遠依光猶輦下賣劍買耕牛不復事鞍馬

崑山

寶玉出崑山其地今已得白珩非所寶言尙傳楚國視
玉猶埃塵瑞將獻寶銀

樂邊人

人生亦何求營營在一飽邊地樂豐登邊人不知老

獻賀觴

官家收河湟式廓闢土疆天顏喜可知侍臣樂未央千
官會闕下羣獻萬壽觴

讀王荊公鄞縣經遊記有感

荊公宰吾鄞學校振士風石臺足師表樓王皆儒宗留
心及水利經遊詳記中旱澇切民瘼往返勞行蹤當時
青苗法實惠徧村農一旦秉鈞軸方期恢前功任使非
其人海內滋怨恫近世行社倉藉口師徽公良法鮮美
意流弊又安窮社倉與青苗得失將毋同

月湖古蹟

章鄒公紅蓮閣

運甓齋詩集卷一

四

鄒公宋賢相曩昔倅明州種蓮向湖上高閣臨清流憑
闌試一望霞彩明雙眸往蹟今已杳蕭疎紅蓼秋

錢使君衆樂亭

樓臺爲一家區區陋元相築亭名衆樂偃月隄始勑如
截復如抱雲水相蕩漾十洲春可沾覓醉饒鄰釀宋時
官酒

吳丞相水則亭

愛晴憂雨心半黑半絲髮蓄洩時啟閉大書勒碑碣水
則貴持平民情烏可忽防民猶防川至理可參核

楊文元碧沚講堂

碧沚爲史守之別
業文元嘗講學焉

文元本慈產講堂開月湖碧沚過化地教澤所涵濡子
仁忠定孫不爲宗衮汗其在諸史中翠竹與碧梧

陸康僖宅

康僖官執法公明裕才諳其始爲曹郎後乃遷尚書得
人邀簡在勿慮法網疏不見古于公結駟大門閭

范司馬天一閣

浙東藏書家范氏推第一司馬風雅人足與弇州匹
王元美終以所
得互相借鈔五百有餘載劫後多散佚插架剩瑤籤
尙見彩雲霽

余文敏祠

運甓齋詩集卷一

五

莊廢東湖地祠留南湖灣帝昔眷舊學未許歸故山衡
文識熙甫寒士皆歡顏迴瀾藉隻手亦足見一斑

沈文恭舊第

今爲提
軍官廨

文恭忤東林黨論紛苛詞湖水深千尺幾莫湔厥疵勿
持門戶見嘵嘵徒爾爲毀譽存直道非阿鄉曲私

范芾廬明經

邦棠

屬題明倪文正張忠烈兩公詩

畫筵合卷

昔聞莪亭翁嗜古有奇癖論世知其人非徒珍妙墨勝
國多忠臣倪張名並赫甲申與甲辰事經廿年隔殺身
有先後成仁無畛域游藝乃餘事亦各標丰格幽貞寫

石蘭哀怨吟秋笛一畫與一詩血性所組織一朝入翁
手兩簾台雙壁徵詩及朋好郵筒紛絡繹維我先大父
早隸門下籍先子課文孫時復居西席想見囊天中展
卷常侍側小子生也晚未及窺真蹟藏弄及四代墨寶
歸世嫡許我一往觀再拜形踖踖翁曾孫紹曾爲余姊
婿嘉慶庚辰正月嘗
見此卷曾未閱兩載幾遭鬱攸尼六丁不敢取呵護藉
神力自歸葉氏後厥主復屢易芾廬翁族孫楚弓楚人
得手持此卷來往事爲重憶倏忽五十年過眼感今昔
維此正氣存寒芒猶四射如坐衣雲閣玩易占介石如
披冰槎稿愁說長江役隱隱楮墨間一流胸臆箋塗

運慶齋詩集卷一

六

雙南金血共千年碧翰藻襲芬馨忠義聚精魄從此大
小范聲稱俱藉藉一片表忠心永世垂無斁

觀察周澗東師命題臺海歸航圖

海於天地間險怪殊萬狀忠信涉波濤志氣平生壯臺
灣東海東耕稼俗所尙妖寇忽鳴張白日肆剽掠藐茲
螳螂臂敢與車輪抗

丹詔下九重軍事孰曉暢將才推細柳參贊職允當樓
船千百艘飛駛破秋漲乘槎漢使騫渡瀘蜀臣亮烟消
海國氛雨洗澎湖瘴荇旣蕩平方隅資保障良心達

帝鑒公蒙
皇上
晉秩加

寵貺父老祖津亭驪駒忽已唱琴書共一船天際帆輕
颺日暗老蛟窟風鼓長鯨浪軒然大波起山谷俱震盪
遙望鹿耳門昏黑迷下上篙工與柁師兀坐愁相向我
公何從容神色無沮喪扣舷歌放洋公有前後
放洋歌曲終更
神王須臾風浪息遠岸露青嶂一葦縱所如布帆挂無
恙卽今披此圖水色連滉漾想見船窗中靜對心志曠
履險竟如夷吉人獲天相

徐柳泉時棟
子舟兩秀才疊惠佳章余旣依

韻報之夜窗寂坐悵然有懷別成五言長古奉

寄

運慶齋詩集卷一

七

晚過月湖渚偶訪煙嶼樓吟梅約何遜看竹偕王猷謂
韻仙王
稽雲故交快親面主人方科頭相逢但一笑不見如
三秋縮地不須費談天乃遇鄒有兄若坡老厥弟亦子
由昆季自師友堽堽相唱酬觀書陋半豹下筆無全牛
學府百城擁詞源三峽流阮咸青雲器郢客白雪謳新
篇試一諷巨集居然哀風致旣瀟洒筆力殊清遒百家
恣搜討萬象窮雕鏤藻耀翔鸞鳳道路開驩驩探驪比
夢得承蜩擬痴僂添毫似欲活繞指亦化柔潤或輝珠
玉清或滌冰甌或炳如繡或和若鳴球同工而異曲
中綳斯外彪汗欲流籍湜氣足吞曹劉把卷豁塵慮開

筵羅珍羞夜雨新翦非春釀初試筍雞黍故人具繁維
嘉客留品茶誇日鑄煎水浮霜溫清談燭時翦豪飲轄
可投印文辨秦漢柳泉工書法究裴歐碑體泉銘舊拓
懷抱一何曠議論誰與儒先生興勃勃童子睡麝麝殘
漏猶滴灑好鳥初鉤軒開戶曙光入憑欄清景收山嵐
翠欲滴湖水碧於油遠岸藹芳樹淺渚浮輕鷗自知俗
客俗殊愧幽人幽歸來長歎息羨君何優游采雲忽飛
下舊雨致綢繆一函發華藻雙璧煥琳瑯丁丁細響屏
乙乙新思抽詞翰高藝苑壇坫尊葵邱學步聊復爾效
顰非良謀因思生面關別爲枯腸搜引聲嘶蠅蟻撼樹

運甓齋詩集卷一

八

慚蚍蜉爾音辛勿閱吾師庶可求

附和作此與集坡書武昌西山詩徐氏並燬於火故煙嶼樓集未刻今檢舊贈手蹟錄之

徐時棟

上有千里雲下有百尺樓縹緲臥高士窈窕多芳猷
憶昔星次尾曾來湖之頭睽違再三歎奄忽十二秋
聞君走燕薊此都多枚鄒冠蓋雖云滿聲華良有由
大才難爲用薄宦聊相酬捧檄望烏鸞出關騎青牛
思親白雲冷下淚黃河流命駕別蠻唱乘舟聞越謳
柴桑歸陶令夢我廢王哀風木不能靜歲月忽已遒
春來雨不歇窗外風如鏐著屐買綠螳看花溼黃驄

披裘尚清冷圍爐殊偃僂忽枉過蓬華相接何溫柔
呼童烹山茗爲君捧資甌雅度比懷玉和情如鳴球
氣味發蘭麝詞論聞炳彪揮塵坐一室翦燭聚三劉
及時須歡樂愧我無珍羞盤陳但野蔴杯浮有新鵝
良夜頗苦短嘉客聊相留吁嗟此塵世聚散如浮漚
何休意本合仙韻王粲情亦投稽雲過訪余曾出雲詩派嘗溯白韻仙贈
許見書法曾觀歐示歐陽文忠墨迹今復同之子來
此結佳傳不妨語光怪何必睡甦駒况我暫投轄而
君遽行輶去日擬過訪宿雨會當收我來馬青驄我
歸車碧油將子共捫蝨與我同盟鷗但見益深焉

運甓齋詩集卷一

九

得問清幽有詩漫相贈願君常來遊文辭雖荒蕪情
意頗綢繆報我以瓊玖鳴聲如琳瑯不圖意未盡乃
見韻重抽右肩拍洪崖左袖挹浮邱永言佩珍貺不
答豈善謀高風君遠紹枯詞我旁搜仰君若鴻鵠愧
我如蚍蜉陳蕃苟不棄徐孺終將來

又

徐時棟

主人方把卷有客忽登樓疑是何水部又非王子猷
陳蕃未及面徐孺已回頭一見悲且喜十年春復秋
喜爾璧歸趙悲爾裾曳鄒溫溫了無試快快不自由
君才未可及此志終當酬浩氣驚千駟健筆回萬牛

詩詞固藻異談笑亦風流嗶嗶越凡響縷縷發清謳
鬼怪若李賀人表如褚裒良時況未遠佳興亦復遒
壯志鴻鵠舉堅骨蛟龍鏤天邊嘯元鶴道上盤紫驪
接物復沖淡持躬常偃僂好整以好暇不剛而不柔
醇若醪千榼清於茶一甌操行敦砥礪交情重琳球
斯是魏家鳳依然賈氏彪雲間昔聞陸鄴下今見劉
一一爲君狀惶惶增我羞且復話舊雨與之酌新籌
長夜破寥寂短景暫淹留倏爾日將午散若水之漚
蓬門纔告別瓊章忽遙投好句胎息杜小楷規模歐
灑落出塵俗兀傲凌吾儔讀之聲朗朗夢者驚絢綢

蓮雲齋詩集卷一

十

鏗鏘若鳴佩迴環如轉軸癡思玉盤報暫付錦囊收
染筆拂蕉紙挑燈焚杏油羨君才似駱幸我閒如鷗
書聲罷吟唔漁唱助清幽會當吟興動忽入睡鄉遊
明日轉惆悵小雨殊綢繆重爲開瑤札一如玩金瓊
蹙額眉微展枯腸思勉抽數簣培塿土萬仞崑崙邱
相絕一何遠誠知兩不謀局中但靜處象外徒冥搜
偶然吟蟋蟀不自量蚍蜉非敢再三瀆亦曰童蒙求
柳泉子舟各有和章變化出沒時出新意次韻再

寄

二龍御長途五鳳起高樓詩壇稱競爽元老歌壯猷號

令嚴白戰異軍驚蒼頭戈矛森武庫刁斗肅清秋而我
味強弱與戰忘楚鄒望塵固不及啟覺良有由俚句漫
相答新篇忽復酬奔吳執燧象走燕驅火牛羸師笑下
國勝勢失上流吹律風不競棄甲城者謳敝賦旣悉索
勁旅難再哀量力苦不敵作氣豈復道縱然紆籌策枉
自工雕鏤有如逐駑駘而欲追驍驄君馬自迅駛我僕
徒偃僂善詩喻善戰用剛先用柔堅壁整鐵騎長城固
金甌填然鳴鼓角鏗鏘協琳球否或事剽掠亦自誇炳
彪猝然遇大敵未足供虔劉遷延役可恥拜賜師更羞
我欲棄舊業且復酌新籌愁陣衝鞠部鼓吹聞栗留恩

蓮雲齋詩集卷一

十

恩驚短晷忽忽如浮漚硯欲君苗焚筆效班生投相馬
矜市燕看劍誇鑄歐浩然懷壯志眷言念良儔思君勞
夢想中夜罷鞋駒致師聞摩壘鼓勇思挾輶計爲背城
戰復此餘燼收凝思或擁被繼晷且焚油才雖慚倚馬
侶可聯盟鷗連朝苦風雨蕭蕭頗清幽之子期不來伊
人空溯遊抒我思抑鬱致我情綢繆借茲巴人曲引彼
荆山璆一鼓勿再衰左旋且右抽免胄趨下風憑軾登
高邱齊大旣非偶綬小終寡謀雖復餘勇賈已見軍實
搜我願爲鶩鶴君視猶蚍蜉並駕良未得執鞭洵所求
閨重三煙嶼樓小集別後寄柳泉子舟兼示同人

春光九十日難逢閨上已天亦惜良辰久雨晴可喜
彼此相招邀坐中多佳士冠者五六人各言其志耳歸來
日云暮湖光澹若此燈火水邊樓煙嶼望中指清談徹
長夜幽興良未已一棹木蘭舟送我湖之濫會少別離
多人遠室何邇安能脫塵網溯洄從之子欲知相思情
渺渺春江上

運甓齋詩集卷二

感事次柳泉舍人韻

鄧 陳 勸 子相

承平二百年車書大一統士也生其間明體貴達用胞
與切吾身憂樂天下共捍衛僅鄉里已等天窺甕袍澤
詠同仇挽強誰命中高目惜時艱撫心滋隱痛戲笑并
怒罵不自知愚贛稍破鄙夫慳庶醒癡人夢豈復畏多
言折槓賦將仲豈復慕鄭僑殖疇致輿誦舍己而芸人
硯田廢耕種平生知己交一一來規諷謂我昧機宜謂
我失操縱謂我亢有悔致福常由恐獲謗而招尤我寡

彼口衆智小愧謀大道遠懼任重

昔讀樂志論我慕仲長統載披莊生言樗散安無用只
爲念鄉井守望宜與其支廈非一木射鮒占敝簣慷慨
談時事情弊頗切中似此切近災難忘剝膚痛遂致驚
座名人人笑狂贛尺素忽傳來剝啄破幽夢始知南州
士寄語於陵仲箴言拜良友所願終身誦桃花源裏栽
五柳宅邊種塵書共高閣朝夕資吟諷懸崖思勒馬一
鞭勿輕縱行雲流水意閒復何恐老氏守雌黑孔言
吾從衆和衷斯其濟千鈞不爲重

再次前韻寄柳泉

鄰郡聞戒嚴鵲三軍統凡有血氣者思爲

國家用矧茲濱海邦勢如唇齒共遂使鄧西臯老圃廢

抱養非謂具智略十事令九中聊以固吾圉庶免瘡痍

痛抱此區區懷才疎語復贛那知斯人心同牀各異夢

吾黨二三子孝友推張仲直諒吾益友藥石言足誦少

伯亦奇才卓識超文種遇事相籌策微言多婉諷謂張鏡初

范希我敢執己見詭隨慮或縱不然水懦弱民玩吾亦

恐和光而同塵自詡寬得衆鄉愿非中庸良莠異持重

偶習雕蟲技日玩六書統爲之賢乎已勿使心無用以

手離私印數十方印作橫卷奉贈草堂況伊邇素心晨夕共我雖不善

飲相邀酌春養古法論秦漢方員規矩中投報敵瓊瑤

詎抱卞和痛石交稱莫逆率性忘吾贛有客贈丹砂恰

符吞篆夢配以三年艾研合期夏仲來書言將脩合印泥吾豈忘

斯言煩君爲再誦故人良愛我用意非一種聊此代招

隱免遭塵世諷游藝以適性鐵筆不嫌縱善刀而藏諸

懸磬有何恐雖有鏤金口足弭萬喙衆卽此感君意錫

比百朋重

仍用前韻悼殉節壽昌學博宋仲穆紹周

儒官雖未秩實寄斯文統不幸遭時艱借才資幹用君與

需

君父有大誓誓不戴天共我圍憂孔棘焦釜沃漏甕已

悲世網嬰豈畏禍機中口占廿四字字字餘深痛忠孝

不兩全吾爲壬子贛倉卒間寇至未熟黃粱夢時方紛

紛由竇高礮礮結縵仲鵠賊不絕口道路尤傳誦嗟哉

鄭廣文鬢絲已種種臨老身陷賊徒貽後世諷君獨明

大綱好飲非任縱砥柱當中流委身風波恐如彼大所

鼓徵之以警衆成仁君不愧一死泰山重

郡縣勸輸軍餉強余與議其事柳泉寄示絕句意

有所諷作此答之

四明山上雲昔時嘗出山豈無霖雨志待族良亦難雲

歸不復出出不離故關風忽吹雲去使作遊汗漫怡雲

有隱者矢口相譏彈爲惜雲去後常受風掣牽那知雲

自在蹤跡無滯焉君看二十里過雲在其間雲南與雲

北朝往夕已還雲去本無心雲來常自閒

運璧齋題壁

昔我掃先墓路過岐山前行何所見頽垣多斷甎年

號誌漢晉製古質復堅攜歸琢爲硯墨彩發新鮮我生

無一壘卽此當良田摩挲永朝夕運璧師昔賢海邦近

多事馳驅思著鞭書未讀韜略安能事戎旃重閭况白

髮職在南陔篇習勤徒有志耿耿此心懸少壯曾幾時

歲月忽已遷不如適吾適結茲翰墨緣

且歌

小屋半間題楣間曰且歌旁懸短聯曰生清淨
念養歡喜神以爲習靜之所晴窗獨坐偶然書
此

人老何所似餘花留殘春風雨靡定期大造無私恩百
年常苦短曷爲勞且辛不如今且歇默坐怡心神空明
何所有湛寂乃吾真此意但自得欲語無其人

追懷世丈張芝雲先生

駒齒邀一顧謬許千里足令與賢郎君長君硯席同家

題張齋詩卷二

四

塾主塾延名師王騰軒朱筠采師歸勤課督架上取經
史開編勸披讀立品與行文一一示正鵠名言可寶貴
有如布與粟及余違庭訓馬齒封未築相地指近郊吉
兆於焉卜至今數十年往事猶在目受恩無以報用誌
余膺服

題壽藤圖祝王騰軒師五十

昔在舞勺年獲侍河汾席追隨函丈間星霜凡四易先
生之於學識精而辨嚴丹鉛紛几案坐擁書城百轉瞬
二十載同上長安陌執鞭侍長者時復得親炙哀然數
百卷行囊富簡冊學派溯宋元重訂姚江籍黃梨洲先生宋元學

案爲全謝山先生校補歸重加釐訂慈水馮氏刻之
板燬於西夷之擾師篋中尙存初印本隨時校正
喜與校讐得供弟子職我行指粵西坐歎春風隔弟子
賦歸來先生復行役庚子勸自粵西假歸省春水湖邊
生春草連天碧欲別情依依遠送京華客關山多間阻
久滯魚雁迹隔歲忽寄書徵詩題畫冊云此壽藤枝舊
在文簡宅師時寓王文簡公舊第花時每相對亦足破岑寂客自
蛟川來千里欣面覲圖爲鎮海沈君所作爲知先生年大衍籌初
益意取介眉壽作圖盈咫尺知交多贈言字字瓊瑤敵
我聞輒心喜閉門句屢索藉叙師弟情里語鮮粉飾願
此壽藤壽常沾雨露澤八千歲春秋足比大椿植

題張齋詩卷二

五

陳揆卿孝廉景崧七十

識君五十載贈君無一詩久入芝蘭室忘言亦其宜今
年君七十欣然觸我思敢述鄙俚言聊用佐一卮近聞
外人言月旦傳新詞有曰二陳湯君與我當之會意因
姓氏取譬借良醫其意亦良厚非以爲譏譽名實貴相
副受者心轉疑毀譽任衆口問心戒自欺譽至由不虞
毀來亦安辭念我同門友臭味無差池相期在學業俛
焉日孳孳少壯忽已老來者猶可追俯仰感今昔世路
多艱危百里半九十古語洵我師衛武耄好學抑抑謹
威儀亦越富鄭公書屏寓箴規取法貴乎上仰止當在

斯願言愛景光共保歲寒姿

張廬香師輓詩

負笈侍橫渠五載獲親炙春風所吹噓小草賴生植經
師復人師一時聲藉藉珠光難久掩果邀宗匠識五十
始一第看花長安陌分符向畿甸民社期稱職下車五
六載坐奏鳴琴績尺素忽遙頒頗有莠醴憶豈哲人
萎聞計心惻惻靈輶返故鄉坐奠兩楹側故舊與門生
會葬盛賓客我爲賦大招猶疑覩顏色

輓張東玉舍人

士珣

秋原多宿草念舊心惻惻君家兄弟行久與同硯席伯

題張東玉詩卷二

六

仲旣殂謝頓鍛九霄翮君年踰強仕名始登朝籍鵷鷺
多清班何如鳳池客庶幾青雲路舊轡由咫尺聞病走
相問欲語氣梗塞卅載叨兄事遇事共籌策我言或太
贅君度常謙抑事後每追思我自多愧色風雨近重陽
三徑少人跡我亦多病身瘦比黃花劇悶坐思往事俯
仰感今昔死者不可作喟焉增歎息

輓張鏡初封翁

善元

古人重交遊此意良非偶相期在道義情以淡彌久少
壯與君交轉眼同白首持論每侃侃忠言多苦口古貌
復古心益友亦畏友

吾生寡兄弟親在悔遠遊椿年近七十一病良可憂湯
藥代子職磁景得復留省親既歸里感君情綢繆厚意
久未報空言徒自羞

衰年多疾病驚惶到親故每病輒相問勞君再三顧偃
卧或經旬往返不知數勤拳一片心恐爲時醫誤追念
平昔情茫茫隔泉路

數日不相見聞君抱微痾客來云已劇猶疑傳者訛臨
終未一訣悔我何蹉跎故人多宿草老淚常滂沱今復
失良友有過誰切磋

輓徐柳泉舍人

題張東玉詩卷二

七

少壯見父執贈公梅侍杖親老成後與君伯氏復爲同
門生令兄醒墨與余並受業張南宮師嶄然露頭角君少早知名有弟
亦雋爽子聯翮霄漢程第厭一官薄子舟成進士官刑曹未幾告歸君
復一第輕君丁內艱後林泉恣幽討許我聯舊盟哭弟
未匝月死別倏再驚子舟卒於十月十三日雙輪而孤
翼吾老傷伶仃

知交稱莫逆素性頗不同我性迂且拙君則明而通以
此相調劑足當藥石攻歡然兩心洽水乳常交融若論
文字交時愧拜下風詩文雖小道所造固靡窮庶與年
俱進老境或漸工一朝別我去孰與相磨礱

讀書數十載著作早等身才大識復卓隻眼空古人竟
爲造物忌一炬成灰塵時復追憶之哀然集詩文尙思
合餘燼亦足張吾軍奄忽隨大化俯仰迹已陳侯芭與
阿士望彼傳火薪臨歿以所著屬門下相期在千載遺
藁當不泯

六志校宋元幸已付削氏近復纂邑乘井然始條理集
思期廣益分曹授諸子儲藏訪舊家蒐采徧鄉里載籍
苦浩繁如入五都市博觀貴約取庶足成信史殺青會
有期尙須一年俟書成當告君置酒饌靈凡

輓徐子舟比部

正統嘉靖集卷二

八

壯歲得科第分職司秋曹讀書未讀律明允誰咎繇退
歸不復出詩酒日陶陶人言君才短我謂君識高
潘鬢猶未霜早賦悼亡詩經營畢婚嫁寂守董子帷間
君何自苦此意人豈知脫然一無累今日乃見之
守身名不玷持儉家有餘君死復何憾我獨發長吁古
道日以遠勢利爭鄙夫剛方持正論斯人安可無
鄭聲亂雅樂冶容乃誨淫隻手障狂瀾君力能獨任一
正懾百邪陽長消羣陰始焉歌孰殺誰嗣歎而今
近詩三十首君過偶見之詩中多感慨聊以示諸兒君
歸迺徧和兼寓勸與規至今不忍讀一讀一淚垂

運甓齋詩藁

輓陳魚門太守政鑰

豫章萌巨幹鳳雛無凡彩生才非偶然天意固有在君
年六十二識君四十載年少何翩翩豪氣橫四海時不
遇盤錯藏器將有待慷慨丈夫志那顧俗人駭

志士立功名猷爲海所尙兼之有守難誰能祛利障毀
家紆國難一擲豈孟浪排解伸連儔義俠田文抗噴噴
稱衆口終未悉貧兒處脂而不潤瓜李絕疑謗令名保
晚節斯爲萬夫望

羣從方執經斯夕親君顏祖鞭旣先著下榻相招延
四月克復郡城君遣專丁至君名日以噪余拙安衰年
山中招余同居江北寓廬

運甓齋詩集卷二

九

別久不相見兩心常拳拳去歲購江橋邀我同往觀今
年縣志成病中寄一編平昔感君意欲言難畢宣聊復
舉近事附之哀誄篇

輓徐閩笙明經崇熙

君年雖少我相去廿餘歲爲溯先世交實與雁行次君
懷虛若谷時或問奇字同心言如蘭樽酒論文細明發
懷先人手澤敢輕棄藏珍珍尺牘鄭重出相示尊甫楚
先君子往還尺牘頗多君約香丈與感君意綢繆卽此徵古誼
余互鈔副本仍各存真蹟
少壯能幾時境遷時勢異吾衰歎已甚竟句門常閉君
方理婚嫁紛心嬰俗累形迹雖漸疏不渝金石志今秋

聞君病未赴槐黃試思將走相間俄焉訃忽至我年踰
古稀君猶未及艾一病亦偶然胡竟先我逝平生知己
交宿草洒餘淚客中頻送客別君更不意忘情愧太上
曷禁潛焉涕

惠慶齋詩集卷二

十

運甓齋詩集卷三

鄭陳勛子相

擬杜工部洗兵馬

用原韻

丁師百萬歌徂東歡騰士卒袍澤同三軍喜聞聲勢振
兩京坐收指顧中主臣感遇風雲會宗社昭垂竹帛功
蒼龍方扈靈武蹕翠華佇返華清宮壯士揮戈挽義馭
浩歌倚劍向崆峒休嗟蜀道淋鈴曲會見虞廷舞羽風
諸將功成無大小郭公聲望世尤少策馬長驅塞草肥
擁旄遠度關山杳鼓勇作氣尙桓桓決勝運籌殊了了
逐北羣追鋌走鹿巢南漸集安枝鳥漢官威儀仙仗備

運甓齋詩集卷三

十一

帝城宮闕祥雲繞重逢大地物皆春復觀扶桑日初曉
司徒尙書功相當謙謙雅度有成王東山卧爲蒼生起
朔方軍稱天下強輔相近可媲美宋謀斷遠足追杜房
豈惟降靈自崧嶽直思誕育由彼蒼朝廷注意在將相
臣鄉颺拜歌明良宣恢境土姬籙永秀應圖識炎運昌
越裳雉獻旅獒貢南琛集兮西瑄送多稼欣逢穡有秋
宜蠶更祝繭如纓放牛歸馬武告成戢戈囊矢詩登頌
谷斯東國罷征戰襁褓西疇事耕種佩犢風消渤海民
維魚吉叶牧人夢從今長享昇平樂劍戟鑄爲農器用

擬蘇東坡遊徑山

用原韻

天目東北攢青巒引入入勝奔如川躡雲踏月雙不借
中有徑路何盤旋瀑布下注儼成沼峙者衆嶽渟者淵
高僧於此結廬舍茅茨隱約山之巔六時挂錫常晏坐
噴水咒鉢生青蓮蕭然四顧無長物殘碑剝蝕篆蜿蜒
云有儒士衣白衣叱石裂屏同悟禪樓觀飛聳鬱蒼翠
石砌斑點紛苔錢來遊到寺息倦足松風吼瀑驚晝眠
時復快意立千仞振衣有若風前鳶僧房啜茗清肺腑
不啻惠山泉可煎側身天地發幽思論古安得腹便便
廢興盛衰不足道蜃樓海市殊茫然夢幻泡影誰達觀
洞見世事千百年

擬黃山谷演雅 用原韻

蝶入芳叢一身裹蜂遊香國百花邏象因有齒身每焚
蚌爲生珠腹常破得食呼羣蟻慕羶執穗朝魁蟹輸課
蠅鑽故紙憫徒勞蚊恣利嘴擾清卧逐穢堪憎蜣轉丸
謀生應笑驢推磨鳩居守拙亦自安蛛絲卜巧偏相賀
入山伴侶尋麋鹿充庖殖醢及廬羸燕知戊己罷營巢
蝠伏庚申識避禍漫畫苦索猶未饜信天凝立何曾餓
肖翹游行養蠨飛光陰促隙駒過襲虵相憐跡不同
龍蛇之蟄時未可蝼食槁壤廉孰爭鵠不日浴塵難沈
書葉光明螢照流詩腸鼓吹螢黃播免營三窟何其狡

運甃齋詩稟

鼃致千里奚愁跋海上鷗狎無嫌猜井底蛙蹲妄尊大
多疑誰免狐聽冰輕生甘作蛾撲火所羞牛驥同皁櫪
豈屑雞鷄爭粒類鵬負青天溟渤翔翬矜翠羽雕籠鎖
蜃蛤變化參飛潛觸蠻戰鬪嗤猥瑣不見鵬旦得意時
自謂鳳皇不如我

新樂府

造輪船

燄騰騰煙上升雙輪疾轉鐵索鳴不論風順逆不問潮
漲平千里特瞬息四海可橫行乘風破浪有如此將軍
樓船安足矜

鑄鋼鐵

攻敵用火器愈出乃愈奇鑄以百鍊鋼一轟霹靂馳中
有子母彈散若流星飛火烈舉堅城摧不分玉石焦土
灰何如偃武長不用鑄爲農器廣鉉基

通電報

電光流閃爍云是天公笑噓吸靈氣一線通迅速傳聞
捷飛報人遙遙隔千里聲入心通參妙理諒哉恐懼所
不聞況在咫尺垣屬耳

製水雷

雷出地奮象占易出由水底更不測固知雷風勢相薄

孰云水火不相射吁嗟乎陰陽洩盡苞符秘智巧恐爲造物忌機械百出日無窮請君憑軾觀水戲

開煤礦

石代薪煤採山金銀地產精已竭藉此亦足濟民艱君不見東南財賦地物力亦旣殫西北更荒瘠比戶多凋殘採煤開礦搜海島天意或者憫痼瘵爲民上者寬禁令區區微利固所拌

使絕域

中外猶一家懷柔及遠人彼旣以禮來報問遣使臣龍虎節蠻貊陬天漢乘槎壯遠遊好紀山川與風土新詩

運甌齋詩集卷三

四

譜入榜人謳

廣方言

東方寄南方象西方狄鞮北方譯方言自古有專掌粵自車書大一統字音字義更推廣佛書梵筴共參稽繙經不數唐僧樊

禁鴉片

鍼刺罌粟殼收漿成媚藥亦名阿芙蓉戀者忘其虐晨昏旣顛倒精神暗消燂迷途不知返眞陰日以涸禁之誠是也聞言多唯諾安得慧劍斬葛藤勿使英雄困纏縛

題蘇屬國海上牧羊圖

孤臣奉使羈遐荒手持漢節牧羊關山遠隔天一方日歸日歸心徬徨畫圖一幅留縑緗容顏憔悴神激昂憶辭帝京來邊疆歲序已屢更星霜短衰敗笠鬢蒼蒼非復丁年冠劍裝窮冬朔漠苦寒涼角聲四起悲清商一鞭揮手立斜陽三百維羣下高岡北風凜冽凍且僵吞氈嚙雪充飢腸塞上草白飛沙黃海天一色雲茫茫君門萬里安可望呼籲我欲叩天閭臣身尙未死沙場願歸天漢侍君王漢使託言候雁翔繫足藉達書數行天心亦復鑒忠良俾完臣節歸故鄉嗟哉李陵旣生降彼此榮辱殊否臧別時攜手上河梁綢繆聊復傾一觴還朝得近天子光特邀異數踰尋常拜官屬國休命揚繪像麟閣增輝煌迴思困跡遼海旁十九年來苦備嘗試懸此圖向高堂生氣凜凜餘寒芒

運甌齋詩集卷三

五

寓賢三仙詠

梅子眞

南昌昔有神仙尉抗疏獨爲宗社計雞羣之鶴叢棘蘭不以闕茸卑下吏匿跡偶栖東海濱至今巖勒梅仙字大梅山梅子眞隱處石壁鐫梅仙巖三字仙風千載亦已渺足使西京留正氣